

**Javna ustanova Terapijska zajednica - Kampus Kantona Sarajevo**



**Public Institution Therapeutic Community - Kampus of Canton Sarajevo**

---

**Bosna i Hercegovina**


**Federacija BiH**

**Kanton Sarajevo**

**JU Terapijska Zajednica –Kampus Kantona Sarajevo**

**PRAVILNIK  
O KUĆNOM REDU**

**Sarajevo, mart 2021. godine**



**Public Institution Therapeutic Community - Kampus of Canton Sarajevo**

---

Na osnovu člana 27. stav 1. alineja 6. Zakona o ustanovama ("Službeni list RBiH" br.6/92, 8/93 i 13/94), člana 29. Pravila JU Terapijska zajednica-Kampus Kantona Sarajevo, Upravni odbor JU Terapijska zajednica-Kampus Kantona Sarajevo na sedmoj sjednici održanoj 25.03.2021. godine donosi:

**PRAVILNIK O KUĆNOM REDU**

**I OPĆE ODREDBE**

**Član 1.**

Pravilnikom o kućnom redu JU Terapijske zajednice - Kampus Kantona Sarajevo (u daljem tekstu: Pravilnik) utvrđuju se pravila ponašanja u Ustanovi, organizacija života, te se utvrđuju prava, obaveze i odgovornosti korisnika Kampusa od prijema do otpusta korisnika, radnika Kampusa do raskida ugovora o radu i svih ostalih posjetilaca Kampusa.

**Član 2.**

Izrazi koji se koriste u ovom Pravilniku, a imaju rodno značenje, koriste se neutralno i odnose se jednako na muški i ženski spol.

**Član 3.**

Ovim Pravilnikom se obezbjeđuje neophodan red i organizacija života u Kampusu, poštivanje ličnosti, održavanje čistoće, mir, ugodan boravak i regulišu se odnosi prema imovini, opremi i objektu Kampusa, radnika i korisnika.


**Član 4.**

Odredbe ovog Pravilnika obavezujuće su za sve radnike, korisnike, posjetioce i ostala lica, koja, po bilo kojem osnovu, bez obzira na vrijeme, borave u Kampusu.

**Član 5.**

Prilikom prijema korisnika u tretman Kampusa, svaki korisnik potpisuje Terapijski ugovor o rezidencijalnom tretmanu, a po osnovu rješenja, ugovora sa Centrom za socijalni rad ili akta nekog drugog nadležnog organa. Svaki korisnik i radnik obavezno se upoznaje sa odredbama ovog Pravilnika i dužan je da se u cjelosti pridržava istog.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

### Član 6.

Posjetioci i druga lica koja ulaze u krug Kampusu, bez obzira na razloge ulaska, dužni su se obratiti-prijaviti radniku na portirnici. Radnik na portirnici je dužan primiti, saslušati, dati potrebna uputstva i usmjeriti posjetioca. Nije dozvoljen ulazak u krug Kampusu osobama koji su u vidno alkoholiziranom stanju i pod uticajem drugih psihoaktivnih supstanci.

### Član 7.

Dužnost svakog radnika, korisnika i drugih osoba koje borave u Kampusu je da se savjesno i sa pažnjom odnose prema uređajima, opremi i ostaloj imovini Kampusu.

## II ORGANIZACIJA ŽIVOTA I RADA U KAMPUSU

### Član 8.

Vrijeme ustajanja za sve korisnike je u 07:00 sati radnim danom, a subotom i nedjeljom u 08:00 sati. Vrijeme ustajanja tokom praznika i u drugim specifičnim situacijama određuje vođa tima na smjeni ili nadležna osoba.

Poslije ustajanja korisnici su dužni da uredno pospreme svoje sobe, a ostale aktivnosti predviđene su dnevnim rasporedom korisnika. Svjetlo u spavaonama se gasi u 23:00 sata, osim u izuzetnim situacijama kada odlučuje vođa tima na smjeni ili nadležna osoba.

### Član 9.

Prostorije dnevnog boravka korisnici koriste u vremenu od 07:00 do 23:00 sata, a korištenje prostorija duže od predviđenog odobrava vođa tima ili nadležna osoba.


### Član 10.

Posteljina korisnika se mijenja po potrebi uz odobrenje nadležne osobe. Promjena posteljine vrši se na taj način što svaki korisnik predaje zaprljanu posteljinu na određeno mjesto i u određeno vrijeme.

### Član 11.

U ormarima korisnici drže svoje određene neophodne stvari i garderobu koja treba da bude uredno složena. U ormarima nije dozvoljeno držati hranu i piće. Kampus vrši se pregled stvari koje je korisnik sa sobom donio, te se oduzimaju stvari koje nisu dozvoljene, kao što su:

- psihoaktivne supstance



## Public Institution Therapeutic Community - Kampus of Canton Sarajevo

---

- alkohol
- lijekovi (lijekovi koji se odnose na propisanu terapiju predaju se medicinskom tehničaru)
- oružje (hladno ili vatreno)
- multimedijalna oprema- mobilitel, radio i tv prijemnik, laptop i dr.

U slučaju da se kod korisnika nađu psihoaktivne supstance ili oružje (hladno ili vatreno) pozvat će se nadležna policijska uprava. Za pregled stvari korisnika nadležan je vođa tima ili druga nadležna osoba.

Multimedijalnu opremu korisnik može posjedovati i koristiti samo uz prethodno odobrenje nadležne osobe Kampusu. Sa oduzetim stvarima će se postupiti u skladu sa važećim zakonskim propisima i opštim aktima Kampusu.

### Član 12.

Lične stvari korisnika su neprikosnovene i svako upotrebljavanje i pozajmljivanje bez odobrenja vlasnika nije dozvoljeno.

### Član 13.

Sve pošiljke (stvari, garderoba i sl.) koju budu slati korisnicima bit će obavezno pregledani prije unošenja u Kampus. Sa nedozvoljenim pošiljkama će se postupiti u skladu sa članom 11. ovog Pravilnika.

### Član 14.

Ulazak i parkiranje motornih vozila u krug Kampusu je dozvoljeno samo uz odobrenje direktora Kampusu.

Pušenje u Kampusu je dozvoljeno na za to predviđenim mjestima.

### Član 15.

Osobe iz člana 4. ovog Pravilnika u Kampusu mogu upražnjavati vjerske obrede, a isti su dužni poštovati obavezu neometanja drugih. Upražnjavanje vjerskih aktivnosti mora biti u skladu sa organizacijom života i rada u Kampusu.

### Član 16.

U skladu sa planom tretmana i individualnim potrebama korisnika, biće odobren izlazak izvan Kampusu, ali samo uz odobrenje nadležne osobe Kampusu.

Svaki korisnik koji bude primljen u Kampus, prvi mjesec tretmana nema pravo izlaska iz Kampusu, niti posjete u Kampusu. Izuzetak mogu biti korisnici čiji izlazak procjenjuje nadležna osoba Kampusu.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

### III OSNOVNA PRAVILA PONAŠANJA I OBAVEZA U KAMPUSU

#### Član 17.

Za vrijeme boravka u Kampusu nije dozvoljeno sljedeće:

- U objekte Kampusu nije dozvoljeno ulaziti u obući, izuzetno u slučajevima gdje će se omogućiti korištenje jednokratnih navlaka za obuću,
- posjedovanje, unošenje i konzumiranje, dijeljenje ili preprodavanje psihoaktivnih supstanci. Jedino se mogu koristiti lijekovi koji su propisani od strane nadležnog ljekara,
- posjedovanje i unošenje vatrenog i hladnog oružja u krug Kampusu,
- agresivno ponašanje prema sebi i drugima,
- otuđivanje i pozajmljivanje tuđe imovine bez odobrenja vlasnika,
- posjedovanje i korištenje tehničkih uređaja (multimedijalnih aparata) od strane korisnika bez odobrenja nadležne osobe Kampusu,
- seksualni odnosi,
- unošenje robe i prodaja iste,
- korištenje multimedijalnih uređaja sa namjerom fotografisanja ili snimanja video i audio zapisa bez odobrenja nadležne osobe Kampusu,
- samovoljno udaljavanje korisnika iz Kampusu bez odobrenja nadležne osobe Kampusu,
- diskriminacija po bilo kom osnovu kao što je nacionalna, rasna, vjerska, teritorijalna, spolna, dobna i sl.

Tokom boravka u Kampusu korisnici i radnici se obavezuju na sljedeće:

- aktivno uključivanje u sve aktivnosti koje su predviđene programom Kampusu,
- testiranje na bilo koju vrstu psihoaktivnih supstanci,
- odgovornost za bilo koji oblik materijalne štete koju nanese na imovini Kampusu, korisnika i radnika i drugih,
- odgovornost za nematerijalnu štetu koju nanese Kampusu, korisnicima, radnicima i drugim licima,
- razgovaranje o postojećem stanju u Kampusu radi uspostavljanja što uspješnije terapijske atmosfere,
- održavanje lične higijene i čistoće u Kampusu,
- obavljanje svih poslova i zadataka koji su u skladu sa organizacijom života i rada u Kampusu.

### IV PRAVA KORISNIKA KAMPUSA

#### Član 18.

Korisnik ima pravo na:

- Adekvatan smještaj, redovnu ishranu, odgovarajuću terapiju, pristup tretmanu, adekvatne i humane usluge bez obzira na religiju, nacionalnost, dob, bračni status, spol, seksualnu orijentaciju itd.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

---

- Posjetu saradnika u tretmanu, članova porodice i drugih osoba u skladu sa Terapijskim ugovorom, osim ako posjeta nije kontraindicirana sa zdravljem i sigurnošću korisnika.
- Iskazivanje ličnog vjerovanja, vrijednosti i tradicije, ali ta vjerovanja i aktivnosti ne smiju štetiti drugima ili ometati planiran tok aktivnosti.
- Zaštitu od psihičkog, fizičkog i seksualnog zlostavljanja.

### Član 19.

Kampus će za korisnike u tretmanu uvažavajući Zakon o slobodi vjere i pravnom položaju crkava i vjerskih zajednica u BiH, te poštujući tradicionalne zahtjeve nacionalnih i vjerskih običaja, u dane posta korisnicima koji izraze za tim želju, obezbijediti tekući ili suhi obrok prema tradicionalnim običajima vjere. Organizacija ishrane u vrijeme vjerskih praznika će se uskladiti sa nacionalnim i vjerskim specifičnostima, kao i da će se ispoštovati vjerski propisi, uz uvjet da se ne naruši energetska vrijednost obroka na štetu tih lica.

## V DISCIPLINSKE MJERE

### Član 20.

U slučaju da korisnik prekrši pravila i propise predviđene ovim Pravilnikom, izriču mu se slijedeće disciplinske mjere:

- Ukidanje pogodnosti
- usmena opomena bez prisustva ostalih korisnika
- ukor - javna opomena pred ostalim korisnicima
- isključenje iz tretmana Kampusa

U slučaju da radnik prekrši pravila i propise predviđene ovim Pravilnikom, postupiće se u skladu sa zakonskim odredbama i drugim aktima koji regulišu ovu oblast.


## VI PRELAZNE I ZAVRŠNE ODREDBE

### Član 21.

Svaki radnik i korisnik Kampusa dužan je da poštuje i sprovodi odredbe ovog Pravilnika, jer na taj način omogućava normalan život i rad u cijeloj Ustanovi.

Odredbe koje nisu regulisane ovim Pravilnikom, a tiču se korisnika biti će regulisane Terapijskim ugovorom o rezidencijalnom tretmanu i drugim važećim opštim aktima Ustanove.

# Javna ustanova Terapijska zajednica - Kampus Kantona Sarajevo



## Public Institution Therapeutic Community - Kampus of Canton Sarajevo

Odredbe koje nisu regulisane ovim Pravilnikom, a tiču se radnika, biće regulisane važećim zakonskim i podzakonskim propisima, Etičkim kodeksom i drugim važećim opštim aktima Ustanove.

### Član 22.

Ovaj Pravilnik stupa na snagu danom usvajanja.

### Član 23.

Pravilnik o kućnom redu će biti izložen na vidnom mjestu, dostupan korisnicima, radnicima Kampusu, posjetiocima i dr.

Broj: 35-01-02- 372 /20

Datum: 25.03.2021. godine



Predsjednik Upravnog odbora

Nihad Bajramović